

loco mutans, rotatim deorsum excussus: qui flantibus Aquilonibus, secum aliquid nubis conuolutim deducit: a qua non potest se explicare.

- 7 Typhon præterquam quod cuiuscunque rei incidere, eidem uim infert: homines etiam & pecora in altum nonnunquam attollit, ac arbores & saxa in syluis torquens sternit: nauigiâque confringit. Typhon periculo fissimus ventus.
- 8 Typhon, Plinio Vortex, alijs Turbo, & uibratus Ecnephias, de nube gelida (ut dictum est) abruptum aliquid sæpenumero secum uoluit, ruinâque suam illo pondere aggrauat: quem repentinum flatum a nube prope terram & mare depulsum definiuerunt quidam: ubi in gyros rotatur, & proxima (ut monuimus) uerit, suâque ui sursum raptat.
- 9 Typhon illisu ipso repercussus, correpta in cælum secum aufert: ac in excelsum, nisi magna fuerit resistentia, sæpenumero perfert. Typhonis venti violētia magna.
- 10 Typhon ardentior, accensusque dum furit, Prester uocatur: contactu amburens, pariter ac conterens.
- 11 Typhon ab Ecnephia hoc differt, quod ille latius & altius uagatur: fitque ex subtiliore materia, absque diuulsione continuè perflans. Hic humilius & angustius discurret, ex spissiore materia discontinuè grassans, & obuia quæque mouens ac exagitans. Typhon ab Ecnephia quo modo differat.
- 12 Typhon seu Turbo, plerumque a duobus pluribusue contrarijs uentis & obliquè spirantibus, in angustiis arctisque locis (ut sunt angiportus) plurimum uigere consuevit. In angiportu maxime sæuit Typhon.